



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. IV. Polytheismus sive Idololatria expugnatur, & summi numinis unitas multipliciter demonstratur

[urn:nbn:de:hbz:466:1-77132](#)

DISPUTATIO PRIMA

ostendemus) puer perveniens ad usum rationis, non tenetur se convertere ad Deum explicitè, & ut cognitum ut talem, sed confusè tantum & implicitè, quatenus scilicet continetur sub ratione beatitudinis, vel finis ultimi honesti, nisi in illo primo instanti, tanta detur ei illuminatio à Deo, quod etiam ipsum in particulari, & distinctè cognosat.

S. II.

Solvantur Objectiones.

63. Objicies primò: quæ sunt fidei, possunt invincibiliter ignorari, possunt enim dari infideles negativè, ut docet D. Thomas 2.2. quæst. 10. art. 1. Sed Deum esse perrinet ad fidem, juxta illud Apostoli ad Hebreos 11. Accedentem ad Deum, oportet credere quia est, & quod inquirentibus se renumerator est: Ergo hæc veritas potest invincibiliter ignorari.

Respondeo negando Minorem: ut enim supra annotavimus ex D. Thoma hic art. 2. ad 1. existentia Dei, cùm possit evidenter cognosci, & ratione naturali demonstrari, per se non pertinet ad fidem, sed solum per accidentem, & respectu illorum qui evidenter non habent de illa notitiam. Unde hæc veritas, ut ibidem dicit S. Doctor, magis est praæambulum ad fidem, quam articulus fidei. Fides enim (inquit) præsupponit cognitionem naturali, sicut gratia naturam.

Ad locum Apostoli dicendum est, quod D. Paulus loquitur de Deo, ut est author supernaturalis, & remunerator in tali ordine, non autem de Deo ut authore naturæ! Ita D. Thomas 2.2. quæst. 1. art. 7. Vel quod hac verba Apostoli verificantur in illis, qui non habent evidenter demonstrationem de existentia Dei.

64. Objicies secundo: cognitione Dei non est nobis immediate à natura insita, sicut notitia primorum principiorum (ut supra ostendimus) sed habetur solum per ratiocinationem & discursum: Ergo cùm multi sint homines inculti & agrestes, qui sunt incapaces demonstrationis & discursus, in illis saltem dati potest ignorantia invincibilis de existentia Dei. Unde dicit Molina, quod ex multorum relatione audivit, Brasiliæ incolas, nullum coluisse Deum, antequam à Lusitanis edocerentur.

Respondeo concessio Antecedente, negando consequentiam: ut enim supra annotavimus, ad tollendam ignorantiam invincibilem, non est necessaria cognitione evidens & demonstrativa, sed sufficit probabilis & conjecturalis, vel quæ habetur per relationem, aut instructionem aliorum; quare ut ignorantia Dei non sit invincibilis & inculpabilis, satis est quod homini incidat aliqua cogitatio & cognitione probabilis, quod in hoc universo ita perfectè disposito, sit supremus aliquis gubernator cui sit parendum, sequendo bonum honestum & dictamen rationis, qualiscumque vnde sit ille sit; hoc enim ipso teneatur inquirere quis sit ille, & quæ ratione colendus? si id spernat, non habebit ignorantiam invincibilem, sed vinciblem: ut si quis extraneum regnum ingressus, recusat certò, an & qui sit Princeps qui illud regit & moderatur, si quid in ipsum committat, sine dubio reus erit laicæ Majestatis. Unde ad illud quod addit Molina de Brasilia incolis, dicendum est, ex hoc non probari quod illa ignorantia non fuerit culpabilis & invincibilis, quia illis non defuere media ad illam vincendam, cùm solo intellectus & rationis lu-

A mine potuerint Deum ex creaturis cognoscere: Invisibilia enim Dei, per ea, quæ facta sunt intellecta conficiuntur, &c.

ARTICULUS IV.

Polytheismus sive Idolatria expugnatur, & Summi Numinis unitas multipliciter demonstratur.

Post debellatum Athelismum, superest ut etiam Polytheismum & Idolatriam expugnenuis, & pluralitatem Deorum demonstremus impossibilem, contra Gentiles & Paganos, quorum tanta fuit cæcitas & dementia, ut innumerabilem planè Deorum multitudinem adoraverint. Nam ut dicit Eusebius lib. 5. præparatio Evangelica cap. 15. Triginta Deorum milia in terra esse censuit Hæodus. Et D. Augustinus lib. 4. de civit. Dei cap. 8. Quomodo (inquit) possint uno loco trii hujus commemorari omnia nomina Deorum aut Dearum, quæ illi grandibus voluminibus vix comprehendere potuerunt, singulis rebus propria differtentes officia numinum i Segetes, ait, non uni soli commendabant Deo, sed duodecim, quos ibi commemorant, & subdit: Vnuquisque domui sua ponit estiarium, & quia homo est, omnino sufficit: Tres Deos isti posuerunt, forcum foribus, gardam cardini, lumentum limini. Denique tanta ruit cœcæ gentilitatis vanitas, ut ad hominum arbitria, divinitas aut concederetur, aut negaretur. Unde Tertullianus in Apologetic cap. 5. Apud vos (loquitur ad Romanos) de humano arbitrata divinitas penitatur: nisi homini Deus placuerit, Deus non erit: Homo jam Deo propitius esse delabit. Cæterum licet hic gentilitatis error, vel potius cœcitas, Evangelio Christi coruscante, penitus contrita fuerit: juxta Isaïæ cap. 41. prædictionem. Elevabitur Dominus solus in illa die, & Idola penitus conterentur, fuerunt tamen nonnulli haeretici, plures Deos inducentes: nam Manichæi, Cerdoniani, & Gnostici, duos Deos, unum bonum, & alterum malum esse dixerunt. Item Marcion, quem Tertullianus, Marum Ponticum qui Evangelia corroxit, appellat, duos Deos afferit, tamquam duas (inquit) symplagadas naufragii sui. Denique Valentinianus illis antiquior, non solum duo summa principia, ut Maristi: sed his liberatior (inquit idem Tertullianus) cito usque ad triginta Aeonum fatus, examen divinitatis effudit.

Contra hanc Gentilium & Haereticorum cœtitatem, plures Sanctorum Patrum generose decertarunt. Justinus Martyr, Aristides, Athanasius contra Idola, Augustinus contra Faustum, & in libris de civitate, Cyprianus libro de I dolorum vanitate, aliisque Patres, probantes etiam contra Manichæos, non esse duo prima principia, & contra Tritheitas, tres personas Trinitatis non esse tres Deos. Sed inter omnes felicissimus Tertullianus in Apologetico, in quo, ut fatetur lib. 5. in stat. 6. Laçantius, Hanc causam videtur plane perorasse. Et sanctus Hieronymus: Apologeticus (inquit) ejus, in E. & adversus gentes libri, cunctam seculi continent p. 1. ad disciplinam. Scriptit etiam idem Author adversus Marcionem, & contra Valentinianos, plures libros, in quibus illorum errorem fortis & nervoso style confutavit, & pluribus ac efficacissimis rationibus ostendit, quod Polytheismus est Athelismus, & plurimum Deorum admisso,

admissio, unius veri Dei negatio. Eadem veritatem pluribus rationibus demonstrat S. Thomas i. contra Gent. c. 42. & in hac parte quæst. ii. art. 3, quas breviter huc inferemus, & expōnemus.

67. Prima demonstratio: Deus est essentialiter singularis: Ergo unus. Consequentia patet: de ratione enim singularitatis est immultiplicabilitas, & incomunicabilitas pluribus numerò diversis: si enim homo v.g. pateret essentialiter differentiam Platonis, sicut petit rationale, non posset multiplicari numerō, sicut non potest multiplicari specie. Antecedens vero probatur: existentia est de essentia & conceptu quidditative divina naturæ, cum Deus sit ens per essentiam, & ipsum esse per se subsistens: Ergo & singularitas. Probatur Consequentia, cum enim existentia sit ultimus gradus, supponens omnes alios, & præsumt singularitatem, qua, ut dicit Porphyrius, ducit ad esse; & cum nulla res possit esse nisi sit singularis (ut enim docet Aristoteles, substantia secunda, id est genera & species, non existunt nisi in primis, id est in singularibus) manifestum est, quod si natura divina, tanta sit perfectionis & aequalitatis, ut includat in suo conceptu quidam etiam existentiam, à fortiori includit essentialissimè ipsam singularitatem. Hanc rationem habet D. Thomas locis citatis, eamque laudat Suarez in Metaphysica, & egregiam ac subtilem appellat.

68. Secunda demonstratio, quæ frequenter utitur Tertullianus contra Marcionem, sic potest proponi. Deus est summè magnus: Ergo unus. Probatur Consequentia: nam de ratione summi magni, est quod nihil ei adæquetur, nec par habetur: par autem non habere, uni competit: Ergo si Deus est summè magnus, unus est. Unde idem Author ibidem: Veritas Christiana distinctè pronunciat, Deus si non unus est, non est: quia dignus credimus non esse, quodcumque non ita fuerit, uresse debet.

69. Tertia demonstratio, Deus est infinitus: Ergo unus. Probatur Consequentia: infinitum enim in aliquo genere, cum contineat omnes perfectiones illius, non potest esse nisi unum: v.g. si daretur linea infinita in genere quantitatis, hæc esset una, nec posset multiplicari in plures lineas: si daretur sphaera infinita in genere figurae, esset unica, & nullum modum multiplicabilis, sed esset cubus, triangulus, quadrangulus, omnesque figuræ complectentur: item si daretur infinitus numerus, esset unus, & omnes rerum species in se complicantur. Denique eadem ratione demonstrat D. Thomas quæst. unica de spiritualibus creaturis art. 8. Angelos sub una eademque specie non posse numerò multiplicati, quia sunt forma per se subsistentes absque materia, & infinita secundum quid: forma autem subsistens, & à materia abstracta, non remaneat nisi una, in specie una. Si enim daretur albedo absque omnij subiecto, vel absque omnij habitudine ad illud, non esset possibile eam multiplicari: cum videamus quod hæc albedo non differt ab alia, nisi per hoc quod est in hoc vel illo subiecto.

70. Quarta demonstratio, Deus est id quod nihil melius excogitari potest: Ergo unus. Probatur Consequentia: quia melius est illa natura, in qua plenitudo essendi ita emerenter & unitè continetur, ut extra illam nihil sit nisi ab illa derivatum & participatum, quam illa extra quam

reperitur aliquid omnino independens & in partipatatum.

Quinta demonstratio, Deus est prima causa, & primum omnium rerum principium: Ergo unus. Consequentia probatur tripliciter. Primo, quia id quod in rebus creatis melius reperitur, est unitas, sive unio rerum mutua; perhanc enim unum quodque conservatur, & subsistit, & hac amissâ disperdit & perit: oportet autem id quod in rebus est optimum, à primo principio proficiere: unitas verò & unio diverorum, non sit aliunde, quam ab uno: Ergo si Deus sit prima causa, & primum rerum principium, debet esse unus. Secundo probatur eadem Consequentia: in mundo enim relucet non solum unitas, sed etiam multitudo: Ergo ille debet procedere ab uno principio; ut enim infra dicemus, omnis pluralitas & multitudo, ad unum aliquod principium reducenda est. Tertiò probatur: nam juxta commune proloquitum, virtus unita fortior est dispersa; & quod magis erit unita, fortior adhuc erit: ergo primum omnium principium, habere debet infinitam virtutem, debet etiam habere summam unitatem & simplicitatem.

Sexta demonstratio, Deus est sumnum bonum, & ultimus finis: Ergo unus. Probatur Consequentia, ut enim docet D. Thomas i. 2, quæst. i. art. 3, & i. contra Gent. cap. 42, impossibile est dari duo summa bona, & duos ultimos fines simpliciter.

Primo quia ultimus finis, & sumnum bonum quod appetitus, ita implete debet totum hominis appetitum, quod nihil extra ipsum appetendum relinquatur, quod esse non posset, si aliquid extraneum ad ipsum perfectionem requireretur: unde repugnat quod in uno sic tendat appetitus, ac si utrumque sit sumnum & perfectum bonum ipsum. Secundo de ratione ultimi finis simpliciter, est quod ad ipsum omnia ordinentur, & ipse ad nihil aliud referatur: implicat autem quod sint duo quæ ita se habeant: Ergo implicat dari duos ultimos fines.

Minor probatur: nam vel unum illorum ad aliud referetur, vel non: si primum, illud quod referetur non habebit rationem ultimi finis: cum de ratione finis ultimi sit, quod ad nihil aliud referatur: si secundum, aliud ad quod non referetur, non erit finis ultimus, cum de ratione illius sit quod omnia ad ipsum referantur. Tertiò, actiones voluntariae ex fine speciem sortiuntur, non possunt autem habere plures species simul & semel: Ergo nec plures ultimos fines. Denique (ut docet Aristoteles) idem est ordo in finibus ac in agentibus: Sed una tantum potest dari prima causa, & primum principium, ut supra ostendimus: Ergo etiam unus dumtaxat potest esse ultimus omnium finis.

Septima demonstratio, Deus est supremus mundi rex & gubernator: Ergo unus. Probatur Consequentia: ut enim docet D. Thomas in hac parte quæst. ii. art. 3, quæ diversa sunt & divisa, in unum ordinem non convergunt, nisi ab uno aliquo dirigantur, & ordinentur: multa enim melius reducuntur in ordinem, per unum, quam per plura: ex quo inferit, oportere quod primum deducens omnia in unum, si unum tantum. Quod etiam docet Cicero in libro de natura Deorum, his verbis: Non potest omnibus inter se continentibus mundi partibus, esse perfectio ordinis, nisi ex uno, & divino, continuo spiritu continentur. Quare Aristoteles in politicis docet ex omnibus regendi formis, perfectissimam esse Monar-

DISPUTATIO PRIMA

Monarchiam, seu regimen unius, illamque superare Aristocratiam & Democratiam, id est imperium quod in solis optimatibus, vel in populo residet; firmus enim ac feliciter administratur regnum illud vel res publica, in qua unius natus & imperio cetera reguntur. Hinc illi etiam apud quos Democracy viguit, ubi peculiaris aliqua difficultas exorta erat, aut grave periculum imminebat, ut rebus arduis occurrerent, discernenque quod Reipublica impendebat, evaderent, ad Monarchiam confugere, plenam quererum administrandarum potestatem, uni conferre coacti sunt. Sic apud Romanos in more semper fuisse legimus, ut dum summa urget necitas, & res Romana in ultimum penè discrimen adducta esset, Dictatores crearent, atque ad unius regimen, tanquam ad unicū perticlitantis ac prope jam labentis Reipublica Itabilimentum, confugerent. Unde idem Aristoteles hanc Homeri sententiam celebrat. Non est bonum multitudine principatum, unus verò Princeps, & hinc de humano ad divinum principatum descendens, concludit necessariam unitatem Principis Divini, sicut & terreni, & subdit quod sicut bonum familiæ & exercitus, unum ducere & patrem familias exigit, ita etiam bonum universi unum rectorem. Quomodo Hieronymus cum Rustico suo differens. In apibus (inquit) unus princeps, gruus omnes sequuntur unā ordinē litterario. Imperator unus, unus Provincie Index, & in vi gubernator unus, & in munera fabrica unus opifex, & unus moderator. Quare etiam Virgilius 4. Georgicon, quando contigerit duos reges in examine apum inveniri, hoc saluberrimum agricolis dat confiduum.

Verum ubi duces acie revocaberis ambo
Deterior qui visus, eum ne prodigus obfit:

Dedentur, ratus finis ut regnet in aula.

Si ergo duos Reges aut Duces, ne vide quidem apum examen paritur: à fortiori nec plures reges & gubernatores, ferre potest. supremus orbis regimen: quare oportet quod supremus mundi gubernator, omnia in unum finem dirigens, & ordinans, unicus sit. Si enim inquit Cyprianus Rex unus est apibus, & Dux unus in gregibus, & in armentis rector unus: multo magis mundi unus est rector, qui universæ queque sunt verbō jubet, ratione dispensat, virtutē consummat. Idem argumentum fūse proferitur Athanasius in libro de ira Dei.

⁷⁴ Octava demonstratio. Si darentur plures Dii, deberent in ter se differe specie & vel numerō: Sed hoc est impossibile: Ergo. Minor probatur: vel enim illud per quod different, esset aliqua perfectione vel imperfectio; neutrum dici potest: Ergo. Minor quantum ad secundam patem evidens est: repugnat enim in Deo esse vel concipi aliquam imperfectiōne vel defectū. Probatur autem quantum ad primam: cū enim Deus sit infinitus simpliciter, & in genere entis, in se continet omnem perfectionem imaginabilem, ac proinde nulla perfectio potest illi decisi.

⁷⁵ Nona demonstratio. Si essent plures Dii quomodo cumque diversi: vel alter alterius sciret omnia secreta consilia, ipsò licet in invito, vel nesciret. Si primum, par in utroque esset imbecillitas & potentia occultandi sua consilia, cū tamen sit de ratione libertatis, & perfecti dominii, quod a clausi liberi & secreta cordium, invitò Domino non cognoscantur. Si secundum, par in utroque esset ignorancia, & potentia cognoscendi alterius secreta & consilia: At ig-

norantia & impotentia cognoscendi siquid de se cognoscibile, repugnat Deo, ut potè infinitè perfecto in genere intelligendi, & in omni alio genere perfectionis: Ergo &c.

Décima demonstratio. Si essent plures Dii, nullus eorum esset omnipotens, nec proinde Deus: posito enim quod unus vellere create, aut conservare aliquam creaturam, vel alter posset destruere illius opus, vel non? Si secundum, ille non esset omnipotens. Si primum, alter esset impotens & imbecillus, cū non posset proprium opus protegere & conservare. Unde Athanasius: Dicere plures Deos equaliter potentes, est dicere plures equaliter impotentes.

Undecima demonstratio. Si essent plures Dii, essent etiam infiniti: Sed hoc absurdissimum est, & à nullo Gentilium Polytheorum adhuc assertum: Ergo &c. Sequela probatur: si enim essent plures, non possent differre nisi solum numerō: quia si different essentialiter, nullus eorum esset infinitus simpliciter, & in omni genere perfectionis, cūm non contineret perfectionem, per quam alter essentialementer ab illo differret. Si autem solum numerō different, essent infiniti: Ergo &c. Minor sublēpta probatur. Multiplicatio individuorum ejusdem naturae, se habet per accidens quod tantum vel tantam eorum multitudinem, & quantum est de se potest procedere in infinitum: quā enim rationē non repugnat esse duo vel tria illius individua, ita absolute non repugnat esse quatuor, & centum, & milles, & sic deinceps in infinitum: cū enim potius fitetur in uno numero finito, quam in altero? & eur natura omnis creata multiplicabilis numericē, erit capax infinitae multiplicationis individuorum, non autem divina: Ergo si possunt esse plura individua naturae divina, possunt esse infinita: Ergo de facto sunt infiniti Dii; quia respectu Dei, idem est esse, & posse esse.

Ultima demonstratio sumi potest ex ipso naturali instinctu hominum, qui vel in medius gentilitatis erroribus, tamen communī sermone Deum unicum semper agnoscunt: ut probat Tertullianus in libro de testimonio animæ, ubi dicit Ethnicos sapere dicere: Deus videt, si Deus dederit, &c. Quod etiam testatur Lactantius lib. 2. Inst. Christian. cap. 1. ubi loquens etiam de Paganis, sic habet: Nam & cū jurant, & cū gratias agunt, non Deos multos, sed Deum nominant: adeo ipsa veritas, cogente natura, etiam ab invitis pectoribus erumpit.

Huic autem veritati non obest mysterium Trinitatis personarum, revelationē divinā cognitum: quia non propterea multiplicatur Deitas, quæ in singulis & omnibus una est numerō; ideoq; omnes & singulæ sunt unicus Deus, unica prima causa, unum primum principium, unum summum bonum, & ultimus finis, unus supremus mundi Gubernator & Monarcha, &c. Ad dō quod persona divinæ (ut docetur in materia de Trinitate) non multiplicantur in ratione entis, veri, vel boni, sed solum in ratione rei, & quidditatibus, seu proprietatis relativæ; unde sicut si per impossibile tres proprietates entis, unum, verum, & bonum, servantes eandem cum illo identitatem, inter se relativè opponerentur, tunc essent plures passiones & proprietates realiter distinctæ, & unica tantum entitas indivisa: ita similiter in mysterio Trinitatis, est unicum, ens simplicissimum, in creatum, & infinitum, & solum tres, seu quidditates, vel proprietates relativæ

<sup>Lib.
de i-
doto
mata
vanis
zate.</sup>

relativæ, realiter in se distinctæ; & idcirco ex pluralitate personarum in Deo, non sequuntur in commoda deducta ex Deorum multitudine. Circa Unde Tertullianus: *Trinitati non obstat Monarchia, & divinitas statum protegit.* Idem eleganter docet Bernardus libro 5 de consid. cap. 8. Non abducimus (inquit) ab hac unitatis professione, assertione trium: cum in hac Trinitate non recipiamus multiplicatatem, sicut nec solitudinem unitate. Quamobrem cum dico unum, non meturbat Trinitatis numerus, qui essentiam non multiplicat, non varia, nec patitur. Rursum cum dico tria, non me arguit intuitus unitatis, que illa quaecumque tria, seu illos tres, nec in confusione cogit, nec in singularitatene redigit, &c.

DISPUTATIO II.

DE NATURA ET QUIDDITATE
Dei.

Cum natura & quidditas rei, sit fundamen-
tum omnium quæ docentur in aliqua sci-
entia, & ratio à priori, per quam proprie-
ties suo objecto demonstrantur, antequam de divinis attributis, quæ sunt veluti divinæ na-
turae proprietas & affectiones, disputemus, de
ipsa natura, & quidditate Dei agendum est, quæ
ita est ad intelligendum difficultis, ut ejus intelli-
gentia, omnium Theologorum ingenia, vel tor-
queat, vel absorbeat: ut enim inquit Nazianze-
nus: Certe hoc Deus est, quod cum dicitur, non potest
dici, cum estimatur, non potest estimari, cum definitur,
definitione crescit, quem omnia nesciunt, & meruendo
sunt.

ARTICULUS I.
Per quid natura divina, sub ratione nature, &
radicis attributorum, formaliter con-
stituatur?

§. I.

Aperitur difficultas, & referatur sententie.

Notandum primò: Quod licet omnia quæ sunt in Deo sint unum realiter, ubi non ob-
viat relationis oppositio: quia tamen unica &
simplicissima divinitatis substantia, & equiva-
let variis perfectionibus, quæ in rebus creatis
realiter distinguntur: hinc sit, quod in Deo, cùm
fundamento in re concipiamus aliquam per-
fectionem, quæ se habet per modum naturæ, &
alias quæ habent rationem proprietatis & attri-
buti, & quæ secundum nostrum modum conci-
piendi, ad naturam divinam consequuntur, il-
lamque veluti modificant, & trahunt ad aliam
lineam. Sicut ergo, quamvis personalitas in
Deo, cum divina natura, ejusque attributis realiter
identificetur, nihilominus inquiri solet in
Tractatu de Trinitate, per quid divinæ personæ
constituantur: an per relationes, vel per origi-
nes? Ita etiam queritur à Theologis hīc, & in-
fra quæst. 14. per quid constituantur divina natu-
ra, sub ratione nature, & ut eminenti quodam
modo, est veluti radix, & ratio à priori, seu causa
virtualis divinorum attributorum? Quod ut
magis percipiat, & in hac difficultate quæstione,
omnis equivocatio tollatur.

Tom. I.

A Notandum secundò, naturam vel essentiam in Deo posse duobus modis usurpari. Primo largè, & in ampla quadam significatione, prout scilicet significat ipsam entitatem, & substantiam increatam Dei, quæ se habet per modum transcen-
dantis, & includitur in divinis relationibus & attributis, eo proportionali modo, quo ratio entis creati & finiti imbibitur in omnibus differentiis & modis rerum creatarum. Secundò propriè & strictè, prout natura concipitur in Deo veluti radix, & ratio à priori divinorum attributorum, à quibus proinde virtualiter distinguitur, & in quibus sub hac ratione non concipiatur ut scandaliter inclusa. Ethac distinctione maximè præ oculis habenda est: quia ut re-
ctè adverbit Joannes à S. Thoma, & constabit ex infra dicendis) ex ejus defectu & inadvertentia, contingit multos Authores & equivocare, & hal-
lucinari in hac materia.

B Notandum tertio: Duplicem esse constituti-
onem rerum, unam quæ sit per compositionem,
sive realem, sive rationis cum fundamento in
re: aliam verò quæ est purissima, & quæ exclu-
dit omnem compositionem, ac distinctionem
extremorum, quæque constitutio per simplicitatem à Theologis appellatur. Exemplum pri-
ma habemus in homine, qui physice constitui-
tur ex corpore & anima, & metaphysice ex ge-
nere & differentia. Exemplum vero secunda, in
divinis personis, quæ constituuntur per relatio-
nes, modo quodam purissimo, & libero ab omni
compositione, sive physica sive metaphysica;
& de hoc modo constitutionis loquimur, quan-
do inquirimus, per quid natura divina, sub ra-
tione nature, formaliter constituantur?

C Ex his ergo patet status quæstionis: inquiri-
mus enim, per quid formaliter constituantur di-
vina natura, strictè sumpta, & ut est eminenti
quodam modo radix divinorum attributorum, à quib⁹ virtualiter distinguitur, seu distinctione
rationis per modū expliciti & impliciti, qualiter
ens distinguitur à suis proprietatibus & modis.

Circa quam difficultatem, tam variè opinan-
tur Authores, & in tot dividuntur sententias, ut
tam multiplex opinandi, & sentiendi diversitas,
vix possit in ordinem redigi: omnes tamen sen-
tentias, claritatis gratiā, ad quatuor vel quinque
reducemus.

Prima ponit distinctionem virtualem in Deo
inter essentiam divinam, sub conceptu essen-
tiae, & sub conceptu naturæ; & sub priori ratione
vult divinitatem constitui per conceptum entis
à se, vel substantiæ immaterialis per essentiam:
sub posteriori vero, per intelligere divinum, ut
habet pro objecto essentiam divinam à se ratio-
ne distinctionem. Ita Petrus Corneio Ordinis Car-
mellitarum, infra quæst. 14. quem aliqui ex re-
centioribus Thomistis sequuntur.

E Secunda existimat naturam divinam consti-
tuī per infinitatem, seu per cumulum omnium
perfectionum quæ sunt in Deo. Ita Scotus in r.
dist. 3. quæst. 1. ejusque Discipuli ibidem.

Tertia naturam & quidditatem Dei docet
consistere, in eo quod sit ens à se, & per essentiam.
Pro qua sententia citantur ex Thomistis Ca-
preolus, Bannez, & Ledefma: & ex extraneis,
Molina, Vazquez, & Granado.

Quarta denique contendit essentiam seu na-
turam Dei, constitui per gradum intellectivum,
ut pote perfectissimum ex tribus qui admittuntur
naturarum constitutivi, nempe esse, vivere, &
intelli-